



蓀堂集卷之二

新都吳文奎茂文甫著

友人程涓巨源甫閱

七言古詩

賦得齋前芭蕉

山人習靜開葯房
文杏爲柱桂爲梁
巧得芭蕉種墻角
遂驚青翠摩穹蒼
前者抽心後相逐
展葉高低爭獻綠
矯勁雖輸秦嶺松
蕭森豈減渭川竹
主人樗散已年年
聊憑隙地覆綠天
托况

感茲成綬戀舉杯酌爾心冷然過雨不嫌聲
亮搖風更愛月初上霜霰難免肆侵凌展卷還
能自踈放君不見梗枿杞梓豫章材繩墨斫削
祇爲災昂藏齋前數枯幹春光駘蕩還青來

贈汪仲徽山人

五月愁霖日僵臥叩門有客携琴過長揖遙疑
龍性馴劇談漸覺雄心播自稱少小事沉冥墮
地生來骨氣青任俠曾傾三輔蓋結交輕飽五
侯鯖長干烟月秦淮柳笑傲逢人幾呼酒雙屐

時臨山水間閒身不爲公卿有去冬霏雪滿帝
京夜半思歸匹馬征王公祖餞趙公送滿篋贈
言金石聲方谷大山署作長清流可濯田可耕
酣餘偶憶平頭奴怒髮裂皆蒼天呼短袖忽吼
刺仇劍孤懷常耿報恩珠報恩讐仇何拓落天
奉仲徽良不薄興至矢口成聲歌狂來縱筆圖
丘壑李斯大篆邕八分妙墨未絕世所聞振腕
琳琅走四裔新都寥寥獨數君君君不見鱸溪閩
閱數百年紆金拖紫號蟬聯山林大雅竟誰許

區區失意未須憐

觀盆中雪樹歌

有序

家季質庫簷楹間蓄大磁礪滿注以水卽隆
冬盛夏弗涸也舍侄元茂取小盎置其中盛
杯土拳石栽桃李橘數株年久暢茂扶踈斐
疊作翔虬翥鳳態迥寒家季飲余以酒值雪
霏霏下久之宛琪樹銀河特具體而微耳玩
賞不覺興酣戲爲歌之

阿咸好作少年戲
斟水殘山種蒼翠
數尾文魚

上下游一區錦樹中央寘
枰黃李白桃復天屈
曲臃腫勢干霄尋常掩映
心神豁况乃霏雪散
瓊瑤堆枝接葉擬雕琢
附幹緣條非斧鑿晶晶
爽氣簾際浮皚皚寒輝
水底落倒影搖波何陸
離虎耳龍鬚更蔽虧
幽見僊靈通出沒幻疑
雲雨莽追隨玉峰渤解
誰截取珠樹塵寰空佗
竒圭撮直窮人技巧
栽培無迺皇天慈凌寒
對此動杯酌兄勸弟酬
殊足樂卽看流峙等山
河倏忽消融變丘壑
狂澆磊砢恣歡呼衝泥
詎問酒

家胡十洲三島金銀闕風引船開得到無

韓家壟行

萬頃鄱陽湖散峙衆山孤狂風吹浪立白日羈
酒徒酒徒停舟意不適曳杖湖山看石壁捫蘿
躡磴靡人聲灌莽叢篁惟鳥迹劃然嶺坵片天
開百畝菑畝闢草萊桃李蹊邊鷄犬吠桑麻深
處牛羊猜數椽瓦屋裏老稚幾輩來問之翁姓
邵世隱此山隈衣當適體忘羅綺逕隱群山任
蘚苔大兒把鐮小兒餉桔槔牛笠持相讓我美

風淳古翁言力作苦去年租旱天無雨今年麥
熟隴多鼠聞道縣官急催科長跼求寬嗔不許
僻地波濤爲四隣夾湖耕耨度三春輸稅捕魚
絕機事短衣糲食無懷民語罷揮手去清風落
修樹沾衣愧汗流移家欲同住無奈世務牽
心空向桃源渡口尋此翁豈必有仙骨由來名
利遜山林

聽蕉雨歌

琪花瓊樹茂嘉生種得芭蕉數十莖綠葉拂簷

白日匿繁陰灑袂秋風生昨者軒前片雨度蕭
疎清籟向人鳴乍疑竹裡彈琴韻頃復花間夾
漏聲萬斛驪珠傾奕葉幾搗鼉鼓散柴荆捫心
頓覺煩囂失洗耳潛憐幽恨并漢女琵琶調轉
咽班姬紈扇味難成謾謾琢琢若無意丁丁錚
錚應有情年來塵鞅苦驅迫此時此際最淒清
濕雲片片飛欲墮涼颼條條暗復明大叫呼僮
進斗酒世間變態直須輕虛勞絲肉陳金谷漫
說鈞天奏玉京秋夜便教歌枕好也應魂夢破

愁城

得家書志喜

園居虎豹晝縱橫門巷無人百舌鳴觸忤愁心
鼓柁去湘江兩岼撐蓀蘅蓀蘅九月正芳馥紉
佩初成洵可服朝遊鄂渚看纈霞暮陟君山采
群玉誰知天網自恢恢幽谷春陽更復迴一炬
山澤焚且盡我今長嘯歸去來

登大羅峰憶盛成西老師

做日澹秋空愛此石龍從登臨豁幽况縱目見

飛鴻鴻飛南向五雲端夫子如龍困泥蟠絳帳
傳經曾割席禮圖擢桂獨彈冠彈冠歲月易睽
隔折簡風塵殊自策憐余失水類窮魚那得井
蛙甘尺澤

謝客莫相嗔行

勸君行意莫相嗔世路黃金交易親南阮儘教
輸北阮東隣未卽勝西隣少游第五何寥廓痛
飲讀騷有餘樂陶朱上可散千金志士不忘在
溝壑吁嗟危乎人異心太華巉巖灑瀕深俗駕
且回吾欲臥只許月明當戶臨

寄周美人

涼颼颼欲生秋露頂披襟孟浪游環珮鳴風
嬌舞緩樽罍瀉月曼歌柔只言雲雨朝還暮誰
料參商來更去閒心暗逐東江流歸夢飛縈極
浦樹含情脉脉易傷神心許從來不負人長袂
自羞默自訴流蘇帳冷不知春

酒醉放歌

君不見蘄春碩生號卓犖墜馬折足填丘壑又

不見武昌劉生扇英風無兒乘醉游岱宗兩生
汗血名家子弱冠明經芥青紫陽九百六條相
遭富貴功名成逝水休緣介弟苦憂傷且取同
袍寬比擬篋裏朱提元長物碑中黃絹終故緡
文考靈光賦石崇金谷園才華竟烏有堂背宜
樹萱昨凍雨兮今衝風披裘衫葛事不同春殘
緩賞花先謝夜午徵歌日已曛臥病虛爲往事
憶沉吟詎必將來工霜染頭顱白樽開輔頰紅
要津據未易石髓遇還空縱饒許史金張勢難

繼王楊盧駱聰無涯情欲豈有極頽齡作達自
須惜及時乍可散千金卜夜寧辭盡一石竹房
窈窕列尊罍蘭逕蕭疎集縫掖賦成感遇香漫
焚談到會心塵頻擲乘興同舟張季鷹知名避
市韓康伯區區腐鼠無足嚇直與古人爭標格
不然末路轉相迫彼兩生乎駒過隙

行路難

富家翁多地癖大厦千間眠八尺已知笑裏暗
藏刀忍向甯中重下石猩猩嗜酒醉不疑人發

殺機後悔遲古推善取莽曹輩今識奸雄徒爾
爲

清明日憶亡弟示姪元深

去年清明弟憶兄緘魚遠達幾含情今年清明
兄憶弟折柳相將惟雪涕人生哀樂果亡常貫
酒看花殊未狂社燕定巢秋會至光風轉蕙日
還長今年空念去年事去年豈料今年異願降
雄心付老莊莫更取多造物忌

卽事

頻年仗劍客皇州三別陵陽淚未收學儻緱嶺
鶴難遇任俠夷門畫莫酬世人惟欲致通顯玉
珂朱轂禍不淺世人惟欲博名高英聲茂實心
徒勞江陵科目化烏有徐賈多財寧世守男兒
蚤計竟何爲長嘯一聲酒一斗

贈劉翁

彈丸武穴楚都會南達豫章北豐沛渡口艤舟
密若茶旗亭行估秋如蒼江流東隘虎豹關踐
更擊柝鳴刀環劉翁妙得呵禦術波浪不驚夜

揚州集 卷三
月閒况復甘貧工劈畫栽花官舍擬安宅浮來
紫氣識真人露積朱提無暴客翁自夷門監者
儔添園柱下競風流愧我持繻重過此婆娑獻
賦幾時收

南峰老人譚兵行

南峰老翁鷹揚材八十矍鑠心未灰相逢偶爾
談身世怒髮衝冠目裂皆自言少受當路知計
縛渠魁不用師赤手列柵開保障白衣揮羽起
瘡夷江漢滔滔日月速時過傷心久雌伏叛虜

孤城竟受降倭奴烈焰何由撲束身幾欲赴行
間將玩兵驕偷自閒信陵公子今誰是夷門侯
羸老抱關聽說相看淚如雨太平好文誰重武
我亦忠肝義膽人風波失路困藍縷昔偶鳳麟
苑中游今隨萍梗天際浮償城豈必真趙壁佩
劍空自咤吳鉤展翁眉頭開口笑造事竒窮嗟
同調便教富貴只儻來况迺兵戈難逾料君不
見魏公授鉞闢轅門決策獻俘酬至尊師老財
殫鼓唇脰車中反接叫天闔又不見宋公啣命

去經畧疏請袁劉贊帷幕朝鮮國殤魂未招海
曲延褻費籌度翁也大呼鬚磔張汝言非迂又
非狂男兒誓死裹馬革真宰豈必驕天狼西夏
么麼何足道關白跳梁亦草草拔劍軍儲稍自
供鳴鞭黎庶應相保揚帆二月春風顛我逸彼
勞防汛船高壘深池銳一剗出奇擊怠謀萬全
清野名都旣設守懸軍餉絕豈能久偏師綴之
不得歸此時勝笑落吾手翁乎翁乎真太痴美
言便計我亦知聾俗舉肥成底用漆室憂深空

翁爲

題溪上隣居圖贈張能之

有序

余里居二三兄弟過從則爲程象先希信巨
源胡君載諸君子願每好稱山人張能之高
誼卽山人辭賦落人間余時窺見一斑然竟
未面也頃丁今君以賑荒至溪上屏騶從訪
山人以高士表其廬而山人輒引避弗爲報
謁山人洵高士哉象先豪宕不羈移家溪上
雅與山人習乘閒繪圖以贈其傾倒山人至

矣愧余不文方屈首制科第雅慕山人強成一章書之卷末他日用存芳隣故事山人其無阻噓我耶

吾鄉山水天下聞千峰萬壑清溪瀆三春暖散桃花峴六月寒生石壁雲灌木平疇面松菊天開窟宅近濠濮程本選勝植芳茝張薦逃名種脩竹連楹比屋兩擅竒枕石漱流日追隨物態任從塵外轉人生樂在心相知憶昨雨餘西氣爽泠泠振策日來往不將紈綺走群兒直以圖

史招吾黨吾黨載酒入滄洲程爲揮塵張楚游嫋嫋谿風欲舉袂涓涓石瀨曼鳴球誰謂家徒立四壁棲托旣佳貧亦適六年守相幾式廬兩生抗義無私覲固窮欲向閉門深憤俗聊成抱膝吟連床各醉峰頭月接席平分水畔陰嗚呼兩生兩生真足老肆志山林名譽蚤跬步况逢知己流素心白髮終能保我輩歷落崎嶇人低眉應舉飽風塵谿傍肯借一片石相期歲暮共垂綸

壽禹嶽山人五十歌

上帝美臣程萬鍾清都厭薄乞移封帝怒暫遣
人間世黃山白嶽採芙蓉乘興條狀五十春洪
厓把臂倥傯親滿屋灘聲時自快舉家菜色恥
言貧禮法豈應設爲爾林泉詎謂虛無人憶昔
相逢在白下談鋒嶽嶽座長罵拂衣不解侯王
尊垂橐猶爲粉黛假意氣昂藏衆共憐窮愁誰
遣迤相率庭前亂石冬含潤池上幽花晚更妍
世路祇今多偏窄溪上之居神仙宅方壺員嶠

指頤間籓麟脯鳳邀過客我聞養生在肆之放
言縱酒有情痴冥靈大椿差足侶笑呼錢鏐真
小兒

壽王和老以六月初十初度

君不見見火雲突兀擁多竒非煙非霧光陸離又
不見見夏木千章陰更清披襟露坐無俗情乘時
作達恣驩宴避暑翻高河朔名河朔寥寥幾千
載風流尚有王君在此時懸弧集故知此際稱
觴戲萊彩金管玉簫聲沸天嬌歌妙舞勢動筵

揮霍詎知錢百萬納交寧止客三千祇今行年
才四十擲管沉吟日鼓笈大椿豈必終寓言小
草會須多豎立炎蒸米雪開北堂醉呼沆瀣共
君嘗青山圍屋嵐光滿碧樹遶流水氣涼上界
僊都徒爾爾浮名塵世何物是達人曾次固靈
根耄耄期願從此始

新夏同胡君載族叔鳴岐兄國乘弟萊嶽
飲禹嶽山人溪上醉歌

禹嶽山人崛好奇得錢沽酒呼心知調笑珠璣

紛錯落盤飡笋蕨當甘肥片雲西度半溪雨乍
滅乍明隔村樹沾灑都無市井塵踈篁亂石紅
泉注幽襟坐對興激昂改席投瓊遞獻觴摘詞
不數長卿麗作俠曾輕原涉狂祇今把臂衡茅
下哆口當筵時謾罵頃刻雄飛各有爲世情羈
繼誰能假緩語長歌攪獨愁奔灘哀瀨急汀洲
謝公山墅鼻頻捉齊客雍門泪欲流以茲彈丸
溪上地鑿池種樹人間世區區造事費較量痛
飲未卽非長計

漢魏篆隸歌

千有五百延熹年漢朝篆隸尚在魏良辰已已
七月朔誰葬黃涼失流傳刻畫摩絕工緻稱
陵想像匪徒然空山荒僻冢纍纍靈闕天教出
重泉稽古園陵殊隔絕遐方豪舉只牛眠珠襦
玉胷無真蹟鐵畫銀鈎有舊鏤自昔寰宇裂南
北大丘墓採常苦偏十傷拙速九傷佻朴茂適
勁罕能全琬琰側旁數十字嶧山石鼓差比肩
翥鳳翔虬看不足眼中麓裡無象賢明時右文
二百載篆隸瓌琦嗜政專感此洞心還駭目土
花駁落金石堅飛揚古色汲冢似珍重直可傲
垓埏用榜山齋增氣象暮年末日與周旋世人
耳食寶珠玉片甍寧知抵萬錢

聞朝鮮國王請採疏志嘆

黑雲蔽天海波立氛侵瀕洞羽書集鼓浪鯨鯢
勢撼山後時網羅嗟無及摧殘島嶼陷朝鮮上
國憑陵防未狀組練三千哭遼水艤幢十萬振
蠻烟肅大稱藩請救援腥濤洶湧誰酣戰小怯

時驕夜郎王片語或回尉陀面囊澁難輸卜式
家心雄未泛張騫槎悵望青天吟北斗搔髮空
皆慘暮笳

神鴉行

富水通江處鴉飛鳴向人往來揆翅似解語高
低攫食如有神豈誠毛羽異毋廼吟堦馴在昔
將軍稱虎臣收荆強吳敵萬人愛及屋烏多此
類稷蜂社鼠鴉其倫遺廟崔嵬過客式我薦椒
漿長歎息鴉乎憑籍威靈免射弋不如鷗鳥忘

機龜不食

罷官行送孫明宇東歸

楊柳依依照江水江畔行吟病初起春色撩人
苦憶家忽漫罷官爲君喜喜君罷官似侬奇吏
夫意氣心相知十年奔走無青鬢五畝荒蕪有
紫芝回首少小操刀筆片言入幕預機密將作
曾營天上宮參軍已勅師中律只今出守職倉
曹奉母離鄉心鬱陶膝下歡承足快意道傍磬
折不勝勞卽拋銅墨老何有白嶽松蘿相待久

攀輿獨御到新安兒啼綵戲忻相守君不見漢
家蕭相位第一請地繫獄候幾失又不見海陽
吳公殲島夷功高罪小終落秩由來出處雨與
風蘊竒已試道非窮况君蒞楚才兩月獲上得
民千秋同烟花此際指富口挽舟迸泪爭進酒
羅拜角崩闐闐祇贈錢文勒醜醜叟行行送送
重遮留名成身退不生愁青絲絡壺祖餞者皓
首窮經猶敝裘

竹泉歌壽汪生

花開花落易參差竹色青青常不移漲起漲滅
倏消歇泉聲涓涓流不竭幽人寓意高且深玄
覽泉竹結同心晴來蒼翠披襟賞雨後潺湲曳
杖吟聽泉種竹幾多年高歌衛武淇澳篇皤鬢
拚將鶴鬪白童顏直與丹相鮮聞今嘉月是初
度伐鼓撞鐘邀親故五色彩衣堂下翻千金裘
馬門前駐憐余潦倒屬心知笑指南山蹠致詞
願對此君樂知者玉液蒼筠歲歲期

寄張子遠

黑貂敝盡事無成吳楚驅馳不用名彈來長鈇
傍誰是握裏毛錐轉自驚去秋塌翅開蓀閣閉
戶高歌種紅藥日午郵筒忽致書劃然霞彩明
丘壑回首素交阻會期臥雨看雲幾詠詩金石
聲從地上擲風霜挾向字中吹忽忽經年絕音
耗杞人憂重傷懷抱喜聞叛虜蚤投戈怕說倭
夷終鼓噪鼓噪投戈肉食謀弦高嘍喏魯連羞
清時巖穴輕竒節爾我泥塗孰見收東望匡廬
咫尺遠芒鞋竹杖游非晚天青瀑布落行杯雪
積飛梁還裹飯携手躋攀且自娛文章不朽卽
良圖男兒四十明朝是割珪分組胡爲乎

五月五日家園小飲憶亡弟廷用以是日

懸弧

五月五日晴雨中葵花榴花相映紅東渡搏黍
歌進酒西家臂縷思悲翁人生哀樂空翻覆墮
地弧懸定尺幅生自孟嘗死泪羅何如隨例醉
絲竹

詠適園

適園日涉景澄鮮竹石蕭森氣候偏客至燒魚
罷誦弦舉觴世態失尊前栩栩菴窈窕足晝眠解
衣磴磚味新篇何物煩囂得入簾聽雨亭臨竹
樹邊拳石迷離埤及肩青天杲日嚮鳴泉談秬
招邀集列僊舌端吞吐十千年丈室焚香敞佛
筵雄心銷耗學初禪蓀閣崔巍倚四天拓窓大
陸動雲烟碁敲幾局區中緣擁書萬卷百城權
遠望御風真冷然

短歌行寄吳臯倩

有序

臯倩舟游匡廬余騎游黃梅兩山偶會龍坪
留一日會臯倩爲暴風破舟書卷盡失余亦
以被酒風濕作惡不能移步別歸懊恨戲爲
短歌行自解併寄臯倩

延陵諸孫何太豪乘船騎馬杖盧敖茂文志圖
作七祖臯倩興與匡廬高偶然瞥見拍掌笑方
州並轡如夙約茂文西北臯東南暫時聚首且
爲樂素交有道會有神折蘆風江渡上人隨喜
共躋鷲峰下清齋同飽給園珍爾時我聞諦秘

密語語盍分戒定律似從慧筏濟津迷寧假天
人重示疾何物業緣竟未空奔騰列缺走豐隆
浪湧如山蛟龍吼寶船蕩柁波斯窮茂文胡盧
臯倩怒叱咤金剛奔持護須臾二豎暗侵尋萬
轉千迴不成步羅漢落水損威儀壯夫蹶足罷
驅馳人生遭際倏如此得喪窮通那得知君不
見宋人盲目匪不祥又不見塞翁墮折詎爲殃
男兒七尺付游覽天公何意苦相妨與君蹭蹬
辭別去匡裕瞿曇日暮遇大事因緣會有期他
日重逢質其故

上巳日同張子遠醉歌

經年旅食楚江濱三月春光到故人一語不休
連日夜百杯迺進豁心神雨餘看長桃花水夾
岍垂楊丘壑羨風流不減晉永和板襖尚傳周
大史解事老生安在哉昔人已去今人來聚首
劇談成痛飲青霞片片落蒼苔前遊孔顏後老
梓翠葆雲旗凝金碧宵色迷離錦繡重燈光閃
灼龍蛇坼四坐吁嗟盡日張千秋嘉會兩生狂

不知今夕是何夕頓訝他鄉卽故鄉能之高歌
奎也笑英雄失路還同調一觴一味誰云竒三
月三日且爲樂君不見蘭亭荒蕪曲水湮琬琰
文章日月新相逢不醉歸帆疾抽毫依舊負芳
辰

馬娃行 有序

方言楚女美而艷者爲娃馬姬固其人焉爲
賦馬娃行以贈然和墨伸紙卽席揮毫語云
急行無善迹恐不免唐突博笑也

八月風高秋欲分楚江士女動如雲鳴箏挾瑟
半當戶沐首膏唇競作群豈無蕩子揮白璧亦
有少年輕黃金目挑心招自悅已儒雅風流孰
賞音俠氣結誰吐文心鬱未伸千迴展轉暮江
側一日從天降麗人麗人綽約世希有南威退
避夷光走霧縠雲綃錯繡裳花顏貝齒柔荑手
瞥然流盼暗傳情解贈明璫邀日成低徊悔結
三千客頃刻歡償十五城授色留連深夜飲瓌
姿淑態逸爲品銀燭燒殘意未終流蘇帳小珊

珊瑚枕枕上婀娜蘭氣芳游龍出戲驚鴻翔瑤臺
漫向青樓築金屋堪緣紅粉裝那更歌喉仍縹
緲欲斷不斷晴絲嬾幽妬松窓月夜絃嬌分竹
嶼春啼鳥馬娃馬娃可奈何一願再願銷魂多
我自歷落崎嶇者鬱鬱爲爾滯江沱願爾莫學
章臺柳憔悴柔條詎能久願爾愛吟風動竹隔
簾故人疑不俗祇今月白江水平珠簾綉額艷
霞明湘娥神女恣來往山涌沉沉會有靈相携
大醉市門下翠羽犀篋光映射樂極不知窮有

愁狂來共矢盟無假解事輿臺緩促歸風塵請
珮易相違明年此際長干客虛向凌波賦洛妃

放歌行

有序

友人程巨源寄書調笑頗與余志迂因爲放
歌行見意併以自廣

我生墮地氣食牛赤手搏螭玩王侯片諾直教
揮百萬寸心寧取貯千秋少小綴文攻射策飛
揚六館挾霜翮幾迴下第出都門如戟鬚張雙
眼白祇今寂寂度芳春唾手功名愁向人汗血

那習鹽車步暴鯁將同涸轍鱗昔人強仕在四
十叱咤頭顱還自立匣隱龍泉風雨鳴毫搜象
罔鬼神泣悠悠程鄭胡足稱小儒大儒謬相承
鳳舉何曾嚇腐鼠狐疑空自聽層冰不見魯東
端木聯車騎亂齊存魯如兒戲不見陶上老人
定霸回三散千金等塵埃尋常素封小施設節
俠於我何有哉啓械呼酒還自笑同病相憐復
同調擬人不必盡于倫石交無乃輕爲誚沾沾
自喜吳生狂文采風流謝與王逢時策足風雲
會失路溷跡烟水鄉手中塵尾玉同潤足下芒
鞋霧共翔崑崙之巔瑤水傍行歌散髮意未央
請看古來奇男子何者沒身名利場

送弟廷懋游吳下就試留都

胷中萬卷翻博貧藿食高堂愁二親敝盡黑貂
不獨徃放歌仗劍傍他人吾弟吾弟將柰何我
亦壯士哀情多承家有恨羞金穴失路無緣想
玉珂憶昔韶季同筆研鳳毛麟趾交相羨共道
文章待老神今嗟坎壈仍終賤囊錢不辦蒹緱

裝斗酒歡成棣萼宴宴罷載書指白門吳越興
亡霸跡存妙得山川雲物理鄰家桂折屬王孫
但得桂折是王孫區區往事勿足論

題吳小僊三老圖

三老翩翩海鶴姿方瞳廣額揚脩眉衣裳窈窕
生烟霧杖掛蟠桃復紫芝玄圃蓬壺爲窟宅飄
然往來振金策無乃洪崖偓佺流招邀雲路肩
相拍程君程君此中人下謫塵寰八十春風裁
可垂門五柳節俠還兼井大椿祇今九月初開
菊青桂霜柑遶華屋展圖呼酒共稱觴黃耆無
疆爲君祝

相逢行贈吳敬所

仲皇苗裔世有人襟期意氣鬪嶙峋失路縱教
困葵藿負材終自出風塵風塵荏苒西復東江
上相逢吳季公吐語偶將肝膽露解頤直併冰
霜融少小下帷曾射策揮毫五采雲烟奕半生
閉戶燈火勞長嘯拂衣湖海客可憐旅食度年
年低頭羞澁愧囊錢才術豈卽陶朱下躑躅誰

庸管仲先祗今奇窮矜姱節掉臂豪華多不屑
疋馬愁看隴首雲孤舟笑釣蘭汀雪季公季公
強自寬眼前樽酒且爲驩世事窮通風雨序昨
來夏燠今冬寒君不見吾家季札與季重文采
風流共傳誦偃蹇當時志未酬古來材大難爲
用

祁閭石灘歌

祁閭灘石集鳧鷖一綫懸流宛飛渡左觸右觸
取道行駮目洞心驚相顧豈爲秦皇鞭得來無
廼漢武射未去水上離離千古留經過行李幾
時休方舟似苦軋同進輟棹那得便夷猶吁嗟
長年誇身手野夫利涉此何有世路崎嶇道委
蛇平地風波慣白首

過城門灘

倉溪綠樹絢晴雲谿頭拏攬石紛紛宛轉直疑
邊蟻垤翻飛不減度龍門蟻垤龍門望中滅去
如追奔止如繼驚湍濺沫聲聒天千鈞一髮愁
將絕憶昔乘漲飽經過崎嶇嶽嶽隱層波水落

祇今天險出雙闕對峙中懸河關雄虎豹勢相
翼窟深龜鼉幽莫測低回指點識名城欲役巨
靈剗城闕長年三老倘能知乍到鯁生定自迷
上帝列壙從有意吾儕跳浪要試竒不然寂寂
何爲者三日維舟宿其下別薛濡墨一品題留
取後人歌象馬

賦得汧上旗山爲程文學壽孫徵君

山勢如旗切烟霄舒展九旂曳招搖二水合流
縈作帶萬室叅差死市朝自嶽降神多士集文

采風流冠巖邑就中大帝有聞孫落拓江湖名
字立祇今行年已及耆童顏鶴髮得道肥閒心
不競應牛馬勝事爭能譜肉絲金陵佳麗古來
數忽漫遨遊跨其伍縱酒秦淮雪正霏敲碁謝
墅月纔吐豪華籍籍擅江東僊客聖僧幾與同
品超河朔風塵外聲重汝南月旦中爾時四月
旗山下二麥初平走車馬松風謾謾美卿雲葵
榴斐豐供杯羊孫君高會程君過青衿白袷對
婆娑玄德夫人仲謀妹肺腑相知能幾何此時

大椿未須味此際蟠桃無勞歌旗山瑞藹撲簾
幙青葱峭倩當樽羅百壺好斟向山祝人貌山
光雅相逐羨臺期願不勸勤扶醉登山聽布穀
寄胡君載

廿年茂才銳如錐絳帳高懸聲伎隨十年孝廉
鈍如鎚賓朋誦義囊橐垂祗今廣文官冷落巖
邑移家分寂寞閉戶芸編晝漏長開尊首宿盤
殮薄上帝憐才解用情窮通風雨序生成眼中
閩海翁學士乘時安穩坐西清

憶昔行午日留餘堂醉中作

憶昔垂髫塾邦溝嘉辰醖飲競追游老大轉鼓
瀟湘柁行吟吊屈意叢脞祗今株守漸江傍朱
夏何爲益鬢霜繞屋葵榴空刺眼泛杯蒲艾攪
離腸爾時勝事夢疑幻往日閒心病未狂男兒
侘傺都如此富貴浮雲身是主虛道辟兵靈有
符誰真續命絲爲縷堂上酒旨堂下歌相逢意
氣傾叵羅飲將一石徑醉去從他青白柰予何
不見留餘主人此日生乘雲上儂歲屢更田文

齊戶寧相忌鎮惡興宗亦漫名不朽成底用如
人艾足驚區區往迹無須評梅熟燕飛調欲鳴
拚取餘年拍浮裏千秋萬古任縱橫

喜汪道甫補博士弟子

何物高門多象賢父書讀徧進聯翩渥注千里
神駒速丹穴一毛威鳳妍往歲緣親天末去天
寒日晏隔烟樹深秋望幸寄尺書寂寞尊疊席
半虛此際忻傳游泮水逢衣博帶知色喜漢家
取士新得人常氏明經屬少子不見大鵬圖南
怒飛起扶搖直上九萬里雲翼垂天風力培知
君功名亦若爾

戲調表兄程子美時其子仲魚新爲秀才

秃翁老篤渭陽情年過五十未成名文爲頭責
人皆佗笑問舌存妻不驚余窮誓墓幾廿載聞
心雅謔依然在興來蠻語豁愁衷意失村謳償
酒債一經父子子又孫定計移山深閉門時清
亦手賢良進志遂青編道義尊祇今有子入黌
舍多士紛紛出其下却家枝桂播清芳崑山片

玉逢善價勸翁滿貯麩米春霍家瓜葛若而人
大呼一飲三百斗坎壈糾纏醉爲伸不見鯁也
文采陸離復迅駛經明行修芥青紫不于其身
于其子盈虧消息古如此

擬古 有序

九月廿三日爲亡室懸輓辰丙申如楚取道
彭澤肩輿寂寂感入宮之無人悽傳淚之有
約嘔心琢句掩面成章嗟乎仰視平子四愁
抵掌優子盍然亦無可奈何矣

我所思兮春暮遊駘蕩風光致羊求着屐漿藿
續自至掛壁栗書慵借收祇今裹飯阻道周千
蹊萬壑行未休故帳故園從莫繇妻妻芳草淚
長流

我所思兮來日眠欹枕都房影度磚鋪席呼兒
延過客正冠趣史進烹鮮祇今解帶嗔近前一
臥十起俗相牽百戚同歸悵獨先醒眼後死淚
如泉

我所思兮素秋涼候鴈排空稻刈場深閨熨帛

安藍縷中饋持籌謹益藏祇今衆口競倘狎困
鹿杼軸孰主張皎皎朗月逼幾望鑒惟無人心
自傷

我所思兮冬日妻中宵無蠱聽鳴鷄勤儉直擬
季文母賢智何必伯宗妻祇今無主競深閨蔽
墻闔室時勃谿冥冥長夜誰提撕回首虞淵含
泪啼

饋鹿行

有序

里中程吳埒朱陳而余與巨源則垂髫莫逆

自其王父封君得鹿名園奕葉相承遂爲休
徵故實逮園歸巨源雖詩記盈帙都人士爭
傳艷羨然空名相重無有也丁酉夏余闢蓀
園得二鹿越戊戌饋之爲巨源壽益二鹿在
余爲目前長物在巨源爲吉祥善事夢鹿誰
真因爲紀事一章異日而玄而蒼而白諷詠
楮墨吾兩人者交情友誼不鄭重耶若云命
懸于厨卽賦擊鹿行稱豪舉余所不願聞
我本山椒麋鹿儔長林豐草世無求十千市得

雙麕子閑坐散髮聽啾啾黃君欲之心不許程
生居間語才休豈以骨角藥籠物無迺皮毛文
彩收眠場早斥地泉飲足春疇石交忽宣索驅
昇遠相投洵美來鹿園名實從此讐泰初館前
恣馳逐兩巖臺畔任遨遊直教掩映林花潤寧
詎粧點谿谷幽憶昔園成鹿到丘卜世滋大兆
公侯令子酉陽標卓異聞孫江左擅名流祗今
濯濯還舊物何減神仙麟鳳洲吁嗟鹿兮瑤光
之精至有由一來再來在好脩疾足得先勿以

喜失群放舍懷其憂請看主人題門句玩美蒼
白應千秋

延陵雙孝詩

有序

家叔祖密山先生學道有年矣七十應貢與
計不赴病疝曾昂煩懣勢寢彌留醫告技單
叔穆從守其家學焦然操藥計不知所出會
巫家禱禳舍人子逝以湯藥進先生強爲飲
嘔下痰數升因脫然愈頃之孫長春病孫先
春婦亦病伺知曩所一再啜而嘔下者二人

胙股潘也穆從駭且喜以聞之人不啻自己
諸習密山先生者爭表章之于是君侯祝公
友人巨源各有墨妙論著不佞奎爲之賦延
陵雙孝詩

有客逢衣號天全衰年二豎相糾纏經時骨立
困牀蓐巫咸却走醫無權闔室彷徨揀不得顙
天請代聲啾唧退還子舍者何人并刀錯落血
痕赤須臾七匙拜庭闈喀喀嘔心喜色飛豈爲
觀濤廣陵去無乃聽樂鈞天歸吁嗟寸臠功不
朽並出孫男與孫婦先生祖德儒林推和氣召
祥理宜有人間兒女徒紛紛延陵奕葉見聞孫
名教祇今清世重探風應表孝廉門

贈程少池

丈人吟詩不自休丈人醉酒不計籌吟成盡奪
烟霞色醉劇長翻吳楚謳機忘殺解了無事山
月溪風拜天賜老蚌含胎珠自生藍田種玉璧
終致丈人僊僊世何求世事繽紛百不憂少姬
如花笑相擁莫緣詩酒愁生愁

硯川歌壽吳硯川五句

汶水漉漉連硯嶺傍硯川開滌水雲長山深白晝
熙魚鳥俗樸清時稔稻梁吾宗聚族此川上背
負噴岬面沆漭上相相國遺斯名上醫醫國洵
其黨超忽交情五十年七匙幾奪蒼旻權殤子
蚤離天扎地壽民將徧東南天我也不須植董
杏君也不須浚蘇井活人數多美必延蘭桂芬
芳爭脫穎始艾直同嬰孺時冥靈大椿那能知
試向硯川看硯嶺千秋萬古屹如斯

贈劉伯延將軍

將軍歸來莽結舌廣穎豐頤面如鐵昂藏意氣
人競親慷慨雄心誰能折自道從軍仗劍時渡
海者三颶風吹日本璽書看拜受朝鮮羽檄忽
爭疑虛實行間頃刻變徵兵十萬促酣戰邀功
玩寇苦相蒙天上九閭誰得見贊畫心知節俠
流發奸密授奏皇州雷霆一震三軍奮悔禍旋
師獲勝籌軍功彌高賞彌下戢身閉口馳歸馬
併微儲粟恥言貧囊得餘錢便寬假職方靖亂

蚤拂衣英雄雨散泪空揮瘠田山畔耕差樂泛
梗夷方悵易違君不見陳湯頌功竟何有又不
見班超生入還老醜男兒封侯覓醉鄉何減金
章懸肘後

密山篇壽叔祖密山先生八十 有序

先生奎大父行也折行定交自弱冠卽得日
侍出入宴遊先生理學名儒聲稱籍甚語地
則丘里邑屋鄉國語人則牧豎學士搢紳無
不心儀之嘖嘖稱密山先生云茲屆八十客

爭壽先生先生堅謝客諸莫逆得請于季子
程文學范大叅具有贈言媿言穆行大都具
矣先生以別號行而歌咏曾弗之及維是姪
孫奎扞仰止之衷爲之賦密山篇祝焉

中山經中有密山豪水入洛聲潺潺浚陽多美玉
陰多鐵草木稀踈神龜閒仁者樂山偶樂此遂
使芳名滿人耳伯仲杜機渾白玄兒孫競爽梯
朱紫昔者韶年學道時雷聲龍見心爲師詞場
一戰標赤幟德行文章兩擅之周公品藻耿公

睚更有羅公結膠漆片語直抉千秋疑寸心獨
諦重關密祇今大耄怡白雲投檄長吟靜策勲
絳組麾世三稱老孝友刑家萬石君奎也歷落
嶠欵者忘分忘年幸相下引喻日月言已陳索
將梨棗事多假聞之高山民取財不騫不崩鎮
九垓笑指寵從當加足稱觴或肯倒尊壘倒尊
壘層巒盡金玉可採龜可卜往古來今長鬱盤
大上不朽翁其族

程白可別號三山賦此贈之

海上三山長追隨樓閣金銀相蔽虧風引船迴
波浪闊靈藥不死空傳疑疑傳寰宇紛悅慕遣
客往來多註誤象罔上訴真宰憐六鰲徒置江
東去江東佳麗說六朝昇峙三山王氣驕蒼翠
遠浮天闕迥崔嵬倒浸烟波遙聖神賞譽輦轂
物棹檣高題切紫霄晴晝九衢餐秀色風江萬
艇識霞標白可生平好奇者經過三日宿其下
山靈籍重聲四馳瀛海飛來世共詫君不見匡
裕擇勝無俗情匡廬千戴留其名能讀父書劬

孫堂集 卷二
祖德何人不道三山生

去下雉

十日淹留九日醉報恩未拭鮪人淚詞壇豈必
驚大儒仁里况能容薄技峭帆東去凌蒼烟回
首并州意惘然楊柳青青白月下殘夢依稀傍
富川

單港灘

單港灘頭石亂蹲高如拾級狹如門上舸魚貫
爭尺寸下編投隙豕狼奔離家三日艤棹此長
年喘汗徒勞爾風波鬪捷向來多機息征行樂
忘死

清明行時客真州

三月江臯桃李芳真州闔市晝如狂填街溢巷
勢浮動挈合携壺向北印北印墳塋亘古說兔
走狐號翳霜雪蕭蕭白楊聲恁聞纍纍黃壤蹴
還裂透迤迢迢帶陂陁富貴彭殤山一阿柳岍
桃蹊背郭少菜畦麥壠傍邛多憑高寓目神悽
愴野日悲風莽相向王孫士女雜逖來瞥見獨

蘇東坡集 卷三
醒翻譴浪獨醒縮盡古今愁城北城南少小遊
百萬黃金幾聚散一函白骨誰長留試看荒塚
繞夾蝶紙錢委地稀遊屨爛熳春光等閒過依
舊支門自陳篋欲死伯輿緣有情痛哭阮籍不
須名吊往傷來千古泪寧獨思家緩步行

送南台弟之白下

仲冬風日煖如春策馬長干訪舊隣木落臯亭
紅葉積天空嶺表白雲新楚江吳岫游歷遍歲
暮征行殊未倦寧家匝月幾何時收族揮金已

再見世人解裝亟自豐第豎坊表惠宗公世人
持議恥中格第罷垂成便隣宅然諾弗侵德好
行聲名那得不烜赫阿翁昔者市義遺六戚四
隱寄遐思承家節操有如弟自天戩穀誰能辭
我也相逢問斗酒傾心惜別開笑口男兒矢志
在四方身名俱泰餘何有

程元美別號東白爲賦東白歌贈之

日觀峰頭盪金碧曙光隱約散阡陌蒼然青帝
至先驅萬戶千門臄臄白覓草有蕙花有梅芬

芳破臘未全開報籌高唱殿庭徹驚夢鷄鳴閨
閣來此際幽閒還寂寞蕭齋待日頻領畧乘時
味爽好有爲莫擲隋珠輕抵鵲

荅程仲權見贈人楚歌

江東門外大江橫吳楚掛帆舟楫輕季重飛揚
起行色景升慨慷賦西征京華留滯戀親友感
嘆離群頻薦酒就中莫途有程生持贈琳琅當
折柳窮愁別恨集毫端把玩再三難釋手喬木
出林颺見摧初花映日雨來操屬詞從教逼古

人任放無迺滋多口誰道文章九命非吾曹註
誤合其偶長風十日泊楚關謔浪恢諧無不有
再棹還聞橈欲垂嬾妍白晝易好醜仲權仲權
可柰何黃白降精寧幾多幸出眼光牛背上長
干縱酒且狂歌

黃暎割股拯母其子亦然疾有療有不療
乃能孝則同因味歌激賞之

江夏古稱神明胄奕葉相承孝行首前者愛川
後其子庭闈慣習如受授母疾彌留醫技單間

孫堂集 卷之三
關倍道俱歸觀計畫倉皇無復之以人補人企
能抅乞靈再拜七首持割股作瀋親莫知一進
再進瀋無力大呼高叫青天迷黃氏之子大劇
苛股創迸裂血淋漓厲毛離裏痛刺骨蹈死捐
軀摠不辭全生固籍神穹佑數畢寧苛子職虧
試看承歡及繼述寧馨誰肯負嚴慈腐儒衛生
謬置議誤殺紛紛世上兒

孫堂集卷之二終

孫堂集卷之三

新都吳文奎茂文甫著

友人程涓巨源甫閱

五言排律

題來鹿園

見道名園勝今朝得縱游逶迤窮石磴軒豁出
林丘木古蒼烟積堂虛翠巘浮幽花燃谷口芳
草遍池頭共作竹林醉翻高郢雪謳從來王謝
後謹浪自風流

蘇東坡集 卷三
丁令君白嶽徵會

絃歌洽武城奏最向神京暫以自公暇因之集
友生風猷高折節雲合寵將迎選勝臨壺嶠邀
懽侑鼓笙劇譚霏玉屑擲賦辨金聲符竹豈知
貴烟霞剩有情遂教從楚服同得與齊盟雪霽
山嵐淨春回谷鳥鳴林中增氣象鄴下闢崢嶸
觴味蘭亭樂招要桂樹榮私心慚授簡盛會喜
班荆北海標才望東方識歲精贈錢垂橐重飛
鳥片雲輕却羨無雙譽兼收第一名

送莊先生應貢北上

久困諸生業泥塗始見收經橫編幾絕壁立計
無求蔣詡逕何有陳蕃榻獨留青燈輝故篋白
雪見新謳才大須成晚人今遂薄游彈冠門士
衆分袂友朋憂賈傅虛通達申公實壯猷青春
趨紫禁皓首出滄洲健筆揮三策雄心効一籌
剖遲同卜壁礪發等吳鈞先輩知誰薦前途信
自優會須題駟馬寧復嘆貂裘小草行還遠大
鵬飛正適乘時堅直節慎莫急封侯

月夜過溪上仙家

當暑不巾襪乘閑良夜遊
避喧過委巷愛寂入中洲
濱水塵全絕夾池逕竹稠
熒熒燈欲隱皎皎月初浮
樹勢巖阿動風聲鍾磬迺
早棲神較王堅坐氣疑秋
煮茗傾仙壺樵蘇却酒籌
居然壺嶠近更逼瀟湘幽
一夕真千古重期信宿留

大孤山

湖水連江濶孤峰逼紫霄
崎嶇真砥柱岸嶮儼霞標
四壁渾無地中流獨障潮
驚心帆影小騁

望碧空遙圻圻塵氛隔岬懸
草樹饒月明增窈窕霜落任
蕭條蹴浪魚龍避當關虎豹
驕捫蘿行尙蹇籍草氣難調
頂自雲霞迥根憐日夜漂
酒酣飛動處常恐逐扶搖

送兄廷貫弟廷用廷舉遊楚

秋容憔悴日孤柰沂流時
吳楚掛帆遠風霜計驛遲
江城高絕岬山市倚荒陂
留煖看殘菊開樽採澗籬
淒清猿嘯斷慘澹鴈行歆
旅館燈孤照村行酒獨持
憑依惟寶劍排遣賦新詩
俠氣

須廉賈雄心且檝師蟹肥湖水落馬瘦朔風吹
鄂渚烟光暮雪堂野色卑倚門頻墮淚鼓瑟獨
含悲早動東歸興迷茫雲樹思

山房卽事

斗室吾生世蕭然絕四隣棊樽邀素侶山水奉
閒身茗煮蒼烟澹毫揮白雪新文魚依藻樂香
草傍塔春斜日明烏几光風岍角巾雕蟲徒物
役浮蟻卽天真觀相應無我問竒合向人柴桑
能作達繩甕未爲貧荆棘荒村眺龍蛇畏路嗔
形骸旣土木顏面豈風塵斟酌衢樽飲功名任
釣緝

春望

探曆元成癖乘春更自憐不舒晴野目幾失艷
陽天鳥嘯輕調管花繁迴帶烟雨多村漲急風
煖布袍便疊嶂侵雲秀平郊借日鮮桃源存剩
景竹箭自先傳載酒竒堪問緝書倦愛眠五陵
應草綠走馬憶當年

喜雨獨酌

超忽雲霓起滂沱惠八荒嘉禾舒稿穗苗苗潤
新房入澗魚鰕躍濯枝蔬菓芳桔槔閒始得七
箸失無妨着屐齒成折啣杯眉欲揚三農增氣
色萬畝溢秋光斷靄連山出殘虹亘野長幹旋
明主事下走喜如狂

感遇述懷

士女妬紅顏估客重黃金壯夫矜然諾達士薄
華簪志各從所適強酒不成任伊余負意氣踟
躕臥江潯束髮秉鉛槧老大仍青衿康莊乏逸

步末路懼陸沉一疲牛馬走息駕作述林南山
幽以鬱北浦清且深茅茨恣偃仰晞髮美鳴琴
百年理素業千載佇知音轉謝隣家子白頭空
悲吟

俞鄒諸文學宴集三賢祠

不謂飄零際相逢習楚材謬叨神醕會虛擬客
星猜寂寞雙祠葺迢遞一逕開蘇黃欽故蹟王
謝慘塵埃爽氣迎春服晴光動野菜撫今徹石
墨吊古且金壘歌奪流鶯巧香延舞蝶迴霞標

雲外起風旆日邊來興逸頻呼燭情深復放杯
青衿聯我輩白雪遜群才初月邀歸騎踈鐘徹
夜垓達生元曠事豪舉此游哉

來鹿園同張大來孫幼霖宴集

群峰紛突兀攬勝在名園池水潛通澗山堂遠
見村逶迤盤曲磴迴合列高原樹古庭陰積林
深谷鳥喧到來消俗慮笑語落風繁筍蕨盤殮
細文章鼎甲尊五溪弘祖德萬石復王孫星聚
龍爲友風高鹿是門從來王謝後雅韻會長存

壽程母邵孺人六旬詩

有序

元方思玄二程先生之在吾鄉也神情開朗
聯璧謝閨雙金讓精迺邵孺人寔篤生之今
歲花甲一週丁令君表其堂汪司馬記其事
一時名流侈爲盛舉月旦嘖嘖則二程先生
以也而孺人潛德母儀從可知矣徵詩爲壽
爰及不佞聊續俚言用抒鄙悃

姿彩浮南國祥風動北堂鸞書天外至鶴笑閭
中長四德承前範三遷啓後芳慈仁徵蕙畹淑

靜化椒房侃母真堪並班姬亞欲方桃開紅映
日萱茂綠迎霜舞綵青衿艷延賓紫綬揚盤堆
麟鳳脯杯泛醴瓊漿懸想瑤池會鈞天奏未央
喜三弟五兄自新安至夜話

離群三望朔世務奔相牽得汝乘秋至今吾別
恨捐泥塗才一辱畏路幸雙全薄俗坯堪避浮
名人競先策筮隨地滿雲水置身偏向訝金能
斷茲真壁更聯露垂低浥袂燭短細生烟夜靜
砧逾急更殘漏罷傳白眉何足譽青眼會須憐

花萼樓頭月今宵作意圓

壽丁今君太夫人

江漢遵周化公宮女德多東征標政理下邑浴
恩波共羨三遷教旋賡萬福歌桃開滄海曙萱
長緒風和樹德花爲縣承家帶是河玄黃來嶽
牧頌祝走巖阿績與蠶同課髮將鶴共皤逮親
忻有養舞綵自婆娑

哭程太初先生

尚憶秦淮畔同君作勝游那知傾蓋別頻見落

莫周典客儀維令爲邦政特優五陵行轍遍三
輔口碑留治最時馴雉心閒日狎鷗豐城才斲
劍夜壑倏移舟雪暗青山路風淒白玉樓河陽
花正艷薊北草先秋孔李通家誼蕭張結綬愁
虎賁空寄意鸞馭杳難求懿行鑄金石悲歌動
旄旒不堪隣笛韻忍更向西州

聞平劉寇呈兵臺袁公作

詎謂承平日麼么敢美兵乘饑方嘯聚恃險欲
縱橫羽檄馳初急戈矛事出征用竒分兩翼設
險表雙旌畧授神人奮師行魑魅驚重圍防突
豕一戰戮奔鯨振旅饒歌發投醪鼓吹鳴威靈
留嶽麓烽燧斷江城捲霧妖氛淨如雲老稚迎
全才推吉甫健筆愧班生麟閣圖功處誰能談
笑成

雪中得徐圖南寄呈吳老師久雨感懷詩

賦此荅之

徐幹長歌日袁安僵臥時正愁年易暮那復歲
常饑苦雨晨昏事傷貧生死悲柔書聊自遣桂

玉實難支瀝浙添蕭索淒清怨別離卜晴鐘鼓
寂入夜廩庖噉蒿日家懸罄關心勢累某何能
供稅歛應見益流移原憲衣從結馮驩缺莫奇
雄飛君且足市隱我堪疑奔走身全寄吁嗟泪
半垂談經心耿耿涉世髣絲絲憤積同蠻語情
深托楚詞貂裘春可典吁柳雪含姿載酒相將
處窮通併問師

哭三弟太冲

別離旬幾浹忽爾訃音傳共被秋眠日閱墻御
侮年影單鴻鴈字聲斷春令篇天地身難側江
河泪自懸徵蘭慚屢長晞露詫還先玉碎嗟連
璧葉亡痛絕絃妻其過白社慘淡對青氈好客
情逾縈從兄意獨專行推太伯讓譽重少游賢
萬態紛時變孤貞耿自憐道林神喪矣匠石質
無焉時抱荆花泣滋榮不似前

其二

薄祚胡多難衣冠喪此人飛騰乖壯志天折送
殘春埋照時疑拙無言行率真臨財思慷慨急

難恥逡巡擲塵枯雙眼披帷贖百身共知人似
玉偏妬鬢如銀感逝非同病憂傷摠比隣珠沉
空合浦劍化暗延津廣陌素車杳高原丹旆陳
悲風吹馬鬣千古恨常新

此君軒宴集贈盛邵甫昆仲

籍甚佳公子翩翩翰墨林丰姿人比玉抱負錦
爲心千里寧親至百觚愛客深風微搖畫燭月
午入清砧朗潤誇聯璧綢繆並斷金步趨前自
矢語默衆同欽經紹玄成授池將子敬臨龍門
登以昔鳳穴識于今接武青雲路賡鳴白雪音
江關星聚處天許共披襟

贈盛明甫

威鳳來丹穴神駒產渥洼盛門周伯辟經術漢
侯巴賦著聲堪擲文成點不加高標跨海甸芳
譽重京華晉接喜聞異淹連優禮賒張筵分畫
錦緩頰慰天涯座落麗譙月樓觀浦淑霞預玄
羨獨蚤知白守無嗟虛比石攻玉真爲蓬在麻
離群增綵繡累世是通家

上凌郡丞元孚先生

聖世推才子名家濟美偏
文心雄海嶠穆行切
雲烟繡虎聲聞舊雕龍
奕葉傳父書能競讀祖
德述爭先籍甚魁元早
追隨仕宦便一經陶鑄
廣三輔噢咻全視篆歌
水檠按屯肅市塵那知
借寇日遂幸庇蘇天犬
子遭甄拔龍門因勉旃
昔慙暴鯁返今遂附鱗
前霧隱三冬久風搏六
月延深資溟滓力敢企
潔齊妍浩蕩生成易蹉
跎節序遷孫陽重剪拂
應不負垂憐

贈詹淑正十六韻

有序

余耽竹素知山人詹淑正
有年矣廼屠長卿
掛吏議時株連淑正淑正
慷慨赴獄搢紳冤
山人蹠蹠杯酒腸寔無他
併白而出之山人
創艾講道爲皖城顏與朴
先生弟子頃作汗
漫遊萍梗武穴余得把臂
山人嘉其陳義高
而蹤跡落穆也與之飲酒
而贈以詩
邂逅偶相值詹何髻已霜
覲面疑曾晤傾心解
未狂名尊媒詔獄歲晚引
浮湘俠骨貫高勁雄

圖劇孟強興文窺二酉問字辨三倉開篋琳琅
積分庭簪紱行憂時思重趙悔禍罷游梁柳市
秋颺爽江干旅晝長立談肝胆吐列籍芷蘅香
草具邀驪逸遽廬造請忙典裘添綠醕僦舍避
紅粧雅謔已超越清歌更激昂鱗肥年荏苒鴻
唳景淒涼岐路微知己征途未辦裝簷擔天柱
上笈負皖城傍戀戀窮交意臨風寧遽忘

和程巨源紀事之作

有序

辛丑四月廿五日不佞及艾明晨里丘諸學

士先生見客循故事薦盤殮畢會家季輩醜
錢作伎不佞便欲攀援同宴飲衆方趨起囁
嚅自巨源發庸敬斯須議始得請是日也肉
絲並奏賓主忘形當筵舞劔卽席揮毫群從
若雲觀者如堵真萬家之市所希邁而蓬華
籍光華多矣巨源倡紀事多韻不佞因和之
積雨重林烟忽當學易年離畢蠶桑月熟梅瘴
癘天攬祥環子弟聚樂憶名賢已媿稱觴舉翻
勞爲壽詮吉人情藹藹多士興翩翩琬琰摘詞

富珠璣曳履前行厨饒供具結駟遂留連灑落
文人契娑娑嘉會緣柱門欣見賞布席任從偏
雅誼凌金石謹呼雜管絃調同如合轍意洽似
忘笙舞劔雙龍繞酣歌三雅傳地追冠蓋盛時
奪艷陽妍揖讓風生坐標題雪滿篇堵觀四野
集樂極萬愁捐飛動文章麗招搖氣象鮮率真
羅幕肉寵異袁生筵蒲艾芳堪把輿僂坐屢遷
青垂難曠蕩白剪易徽纏甲子雖方數泥途亦
苟延

程方漢就試真州不偶復補新安博士弟
子志喜寄之

詎謂明經士迤邐遇合難擔簦愁歲晚返旆值
秋闈驛路交南北征衣換燠寒一鳴聲始試三
別泪猶彈擗管添新彩橫經問舊餐凌雲飄賦
氣昭雪轉心九驥繫他鄉足鷓鴣故苑翰青袍
垂若若黌舍履姍姍酒德温能克文心窮不刊
江山吾土美膠序老親歡楷法追羲獻才華逼
陸潘放歌人見忌傾橐我長嘆程羹鷓鴣遠情

堪燕雀安清朝龍躍好莫遣滯泥蟠

喜吳臯倩乃郎斗哥補博士弟子

少小挾文藻黌宮乍吐奇父書讀蚤徧祖德述
還追驥子人人羨龍門世世期玄成元相種叔
度豈凡兒草並青袍艷花輸白玉姿看今騰踏
異識向步趨宜計日行可見搏風在息之嘆吾
豚犬爾還汝鳳凰池

同南台第入朝天宮景陽閣眺望

傑閣暫成淹憑虛循步檐秦淮縈帶曲鍾阜切
雲尖碁置軍儲富翩連黌舍嚴綠楊絢綺繡黃
屋聳觀瞻高下川原輳參差朝市無雲陰移倏
住花雨濕還炎訪道益公隱干時中子恬臨風
空嘆艷天假老夫潛

贈蔣曉山先生十六韻

有序

大江東下京口以形勝聞高人逸士多遺跡
焉陶隱君米海嶽僂指可數吾于明得蔣曉
山先生先生天下士秀外惠中朗潤澄澈英
英照人工詩善繪然恂恂悃悃見者莫不傾

心無論二吳名流納交徵遂卽石淙楊相公
登朝家居往往寄肺腑於先生而先生竟無
所關說其恬退品格可想見矣懷玉披褐不
售於時然識者知厚積醞釀後發必大余心
儀之贈以俚詩一章

聖世容高隱元卿躡徑幽宅傍滄海近簷外白
雲留習靜甘葵藿干時陋蒨緹毫揮凌頽陸句
琢躡應劉不憚徧提遠常聆振策游金焦乘月
往松菊傲霜收國老推英物名流讓好脩塵揮

驅馬左草具洽牟求機息心無呈神全氣特適
期願應日暮夢卜感王侯耕偶鹿門叟釣披嚴
瀨裘衛風歌有斐稗史紀添籌教子章經術得
朋杼壯猷承歡兼膺仕養志足無憂模範追前
輩騫騰越後儔儒門真濟美垂晚迓天庥

蘇堂集卷之三終

